

先天主教護國衛道朱大天君

大天君諱憲於庚戌年三月奉命督教

朱天君曰緣由心造緣起心滅緣滅心存惟在空識信道者心無所疑也見道者心無所蔽也知道者心無所昧也能知道方能見道能見道方能信道不能信道謂之障不能見道謂之惑不能知道謂之愚去愚莫如思去惑莫如定去障莫如慧慧從定中生定從思中出凡夫所以不能信道者無慧故也欲求慧者先求定欲求定者先求思妙如寶月從思中來能思則能悟能悟則大行生身有緣宮非思不親身有三品非思不融身有善神非思不見身有陰魔非思不滅善思者如珠輪轉空一絲

道藏輯要

玉詮

三

鬼集四

不著如玉魄照世運於自然故謂之觀觀非目觀也反智內藏神機自發其發也如車已推舟已帆自禁不能止况他人乎